

Bilten broj 10, Avgust 2023.

Zajedničke ideje za bolju budućnost!



Poštovani čitaoci,

U prvoj polovici ove godine okončano je svih 7 projekata iz Drugog poziva za podnošenje prijedloga projekata i njihovi rezultati su predstavljeni široj javnosti. Tokom realizacije ovi projekti su doprinijeli unapređenju održivog planiranja u oblasti životne sredine i očuvanja biodiverziteta, unapređenju zapošljivosti radne snage i povećanju mogućnosti zapošljavanja, te su dodatno unaprijedili sisteme upravljanja za intervencije u vanrednim situacijama.

U istom periodu iz Trećeg poziva za podnošenje prijedloga projekata ugovoren je ukupno 12 projekata koji će u naredne dvije godine nastojati pozitivno uticati na socijalnu i ekonomsku integraciju ranjivih grupa s jedne strane te podstići razvoj turizma u prekograničnoj oblasti.


Pročitajte u nastavku više o uspjehu završenih projekata i upoznajte se sa aktivnostima koje nas očekuju u narednom periodu!



© Rapajin

Izbrojali smo do nula!

Završna konferencija u okviru projekta „Opštine sa nula otpada“ održana je 23. i 24. februara 2023. na Divčibarama. Konferencija je imala za cilj predstavljanje rezultata implementacije projekta kao i iskustava direktnih korisnika.



Ukupno 85 učesnika, predstavnika javnih komunalnih preduzeća, predstavnika opštinskih uprava i obrazovnih institucija, predstavnika ministarstava za zaštitu okoliša, finansijskih institucija, konsultantskih kompanija i nevladinih organizacija imali su priliku razmijeniti iskustva i mišljenja o primjeni koncepta nula otpada u lokalnim zajednicama.

Prvi dan konferencije bio je posvećen iskustvima komunalnih preduzeća iz šest pilot opština koje su učestvovalo u projektu. Govorilo se o pilot akcijama baziranim na principima nula otpada i cirkularne ekonomije, sprovedenim u protekle dvije godine i tom prilikom istaknuti su rezultati postignuti u lokalnim zajednicama.

„Mnogo mi je drago što je naša opština učestvovala u projektu „Opštine sa nula otpada“ i što je upravo naše preduzeće JKP „12. septembar“ bilo posrednik u cijeloj toj priči. Izuzetno smo zadovoljni postignutim rezultatima“, - rekla je između ostalog predstavnica JKP „12. septembar“ Bajina Bašta, Jelena Aleksić.

Drugi dan konferencije u fokus je stavio projektne aktivnosti usmjerenе ka obrazovnim institucijama prekograničnog područja. O pilot aktivnostima uvođenja dodatnog edukacijskog sadržaja u odgojno-obrazovni program u šest srednjih škola govorila je Ena Markotić, stručnjakinja u oblasti zaštite okoliša i hemijske sigurnosti koja je radila na izradi „Priručnika za nastavnike“.

„Nakon završne konferencije projekta „Opštine sa nula otpada“ puni smo pozitivnih utisaka. Drago mi je da sam imala priliku da sa kolegama iz drugih škola sa teritorije Srbije i Bosne i Hercegovine razmijenim iskustva o uvođenju sadržaja o zaštiti životne sredine u nastavne programe kao i o izazovima i mogućnostima da se oni realizuju. Posebno je značajno što je ovaj projekat okupio predstavnike, kako obrazovnih institucija, tako i lokalne zajednice i komunalnih preduzeća, jer je važno da se ovoj temi pristupa sistemski. Mi ćemo u Gimnaziji „Josif Pančić“ nastaviti da planiramo i realizujemo aktivnosti koje doprinose podizanju svijesti o važnosti očuvanja životne sredine i da u te aktivnosti uključujemo i predstavnike drugih institucija, kao i nevladinih organizacija“, – istakla je Tanja Radovanović, govornik i panelista drugog dana konferencije.

Zajedničke ideje za bolju budućnost!

Službe zaštite i spašavanja zajedno rade na spašavanju života

U Tuzli je 16.06.2023. završnom konferencijom zvanično okončan projekat „Jačanje kapaciteta institucija zaštite i spašavanja – COPRIS“.

Grad Tuzla je kao nosilac projekta, u partnerstvu sa Vodoprivrednim preduzećem „Galovica“ iz Beograda, Crvenim križem/krstom grada Tuzle i Ronilačkim klubom iz Sremske Mitrovice, realizovao projektne aktivnosti u periodu od 27 mjeseci.

U okviru projekta, formiran je prekogranični mobilni multidisciplinarni tim sačinjen od predstavnika institucija zaštite i spašavanja, koji može djelovati u prekograničnom području u slučaju prirodnih nesreća i nesreća uzrokovanih ljudskim djelovanjem. Službe zaštite i spašavanja dodatno su tehnički opremljene, a za njihove pripadnike organizovane su certifikovane obuke. Nabavljena je individualna zaštitna oprema, uniforme i specijalizovana odjeća i obuća potrebna za rad mobilnih timova, te informatička oprema i specijalizovane mašine. Civilna zaštita Grada Tuzla dobila je specijalno opremljeno terensko vozilo koje može djelovati u slučaju katastrofa na području grada i šire.



Gradonačelnik, Zijad Lugavić, čestitao je partnerima na realizaciji svih projektnih aktivnosti na jačanju kapaciteta službi zaštite i spašavanja.

„Ovaj projekat je imao veliki značaj za sve nas posebno jer smo posljednjih dana svjedoci obilnijih padavina koje su zadesile naše susjedne općine. Još jednom je znanje i kapacitiranost jedinica za spašavanje došlo do izražaja jer su reagovali brzo, spasili imovinu, čistili ceste da budu prohodne, ispumpavali vodu i poduzeli druge potrebne aktivnosti.

Sve ovo je dokaz da ovakvih projekata nikad nije dosta i da ih treba još više, naročito projekata koji će omogućiti zajedničko djelovanje sa susjedima“ - rekao je Lugavić.

Poslanik u Narodnoj skupštini Republike Srbije, Tomislav Janković, koji je kao predsjednik Skupštine grada Sremska Mitrovica učestvovao u kreiranju projekta COPRIS, naglasio je značaj prekogranične saradnje.

„Lokalne zajednice treba da pomjere u stranu barijere koje možda kreira viša politika i da nastave da sarađuju na lokalnom nivou. Prekogranična saradnja lokalnih samouprava je prilika za povlačenje značajnih sredstava i transfer znanja i iskustava. Takođe pruža mogućnost da lokalne administracije uče evropske pravila i procedure, u isto vrijeme anulirajući posljedice iz devedesetih godina prošlog vijeka“ - istakao je Janković.

Menadžer projekta Esmir Spahić na kraju je poželio partnerima neke buduće zajedničke projekte i inicijative kroz koje bi nastavili da uče jedni od drugih.

Zajedničke ideje za bolju budućnost!

Novi načini za pomoć zapošljavanju osoba iz ranjivih grupa

Povodom završetka projekta „Poboljšanje zapošljivosti osoba iz ranjivih grupa pružanjem novih znanja i vještina“ u Bogatiću je održana konferencija za medije, koju su organizovali projektni partneri – Caritas Šabac, opština Bogatić, Centar za profesionalnu rehabilitaciju, prekvalifikaciju i osposobljavanje osoba sa invaliditetom i drugih teško zapostavljenih grupa „PROREHA“ iz Sarajeva i Ustanova za obrazovanje odraslih - Socijalno-edukativni centar iz Banja Luke.

Program konferencije je otvoren obraćanjem Milana Damjanovića, predsjednika opštine Bogatić, koji je rekao da ovo nije prvi projekat koji je sprovedla lokalna samouprava sa organizacijom Caritas iz Šapca, a koji je finansiran od strane EU, sa ciljem da se građanima ponude usluge socijalne zaštite. On je takođe istakao da ovaj projekat predstavlja svojevrsnu promociju aktivnosti i vrijednosti koje donose mnogobrojne benefite svim učesnicima.



Matthieu Penot, predstavnik Delegacije Evropske unije u Republici Srbiji, je rekao da Evropska unija podržava sve građane Republike Srbije kroz projekte prekogranične saradnje. Penot je istakao rezultate projekta govorеći da smatra da su u skladu sa evropskim vrijednostima koje se oslikavaju u Povelji o socijalnim pravima. Ove vrijednosti se odnose na pravo na doživotno učenje, obrazovanje i treninge usklađene sa potrebama pojedinca koje se moraju ispuniti, što je bio jedan od ciljeva ovog projekta.

Aktivnosti i rezultate projekta je predstavio Miroljub Nikolić, direktor Caritasa, koji je istakao da je održano 18 obuka za 360 pojedinaca u pograničnom području, od čega je bilo uključeno 120 osoba sa invaliditetom. Programi obuke su obuhvatili različite teme, uključujući poduzetništvo, digitalne vještine i stručnu obuku.

Partneri na projektu su sarađivali sa lokalnim vlastima i poslodavcima kako bi stvorili radna mesta i politike koje podržavaju zapošljavanje ljudi iz ranjivih grupa. Na kraju konferencije su uručeni ugovori o radu onima koji su dobili posao u različitim organizacijama, a ostali polaznici su dobili certifikate o završenoj obuci.

Zajedničke ideje za bolju budućnost!

Postignuća projekta "Premoščavanje" predstavljena na dvije konferencije

U prva dva mjeseca ove godine realizovane su završne aktivnosti projekta "Premoščavanje". Partneri i korisnici iz Srbije su išli u radnu posjetu Privrednoj komori Kantona Sarajevo. Posjeta koja je realizovana imala je dva cilja - da se lokalni akteri i korisnici međusobno upoznaju i razmijene iskustva iz realizacije projekta i da prisustvuju na završnoj konferenciji projekta koja je realizovana 23.02.2023. u hotelu Hills na Ilidži.



Užički centar za ljudska prava i demokratiju i Ekonomski fakultet Univerziteta u Užicu su realizovali završnu konferenciju projekta 28.02.2023. u Gradskom kulturnom centru u Užicu. Na obje konferencije su predstavljeni rezultati projekta „Premoščavanje“ i izražena je zahvalnost svim akterima koji su bili uključeni u realizaciju. Posebna pažnja i zahvalnost je iskazana korisnicima programa prekvalifikacije i radne prakse. Na konferenciji u Užicu bili su prisutni članovi projektnog tima iz Sarajeva i predstavnici korisnika programa.



Koordinatori projekta su istakli da su veoma ponosni što su zajednički radili na povećanju zapošljivosti mladih žena i žena koje spadaju u teško zapošljive kategorije. Analizirajući period realizacije projekta i planiranih aktivnosti oba koordinatora su istakli da su ponosni prije svega što su ovim projektom pomogli da se 70 korisnika uključi u sticanje znanja i vještina koje su potrebne za brže zapošljavanje u turističkoj privredi. Na osnovu stečenih znanja i direktnog kontakta sa privrednicima najmanje 40 % korisnika je dobilo šansu za zaposlenje.

Zajedničke ideje za bolju budućnost!

Službe spašavanja nastavljaju saradnju

Završna konferencija projekta "Poboljšanje spremnosti za hitne intervencije i koordinisani odgovor u pograničnom području Srbije i Bosne i Hercegovine" održana je 28.02.2023. godine u Bajinoj Bašti.

"Kroz ovaj projekat nabavili smo vrijednu spasilačku opremu, kao i dio medicinske opreme. To će nam značajno olakšati funkcionišanje u budućnosti. Takođe, imali smo i zajedničke spasilačke obuke i u različitim domenima spasavanja mnogo naučili", rekao je Marko Čalija, spasilac Gorske službe spašavanja Srbije.

Samy Hermas, iz Gorske službe spašavanja stanica Sarajevo, istakao je da je njihovoj Gorskoj službi ovo bio prvi EU projekat na kom su učestvovali i da im je veoma značajno iskustvo koje su stekli, kao i povezivanje i razmjena iskustava sa ostalim partnerima na projektu.



Projektne aktivnosti realizovane su u Zlatiborskom okrugu i u Bosni i Hercegovini, i to u Brčkom, Foči, Orašju, Bijeljini, Sarajevu, Trnovu, Hadžićima.

"Kroz ovaj projekat mi smo nabavili opremu za Planinarski dom u Rastištu, te zahvaljujući tome uslovi za boravak su podignuti na značajno viši nivo", objasnio je Nenad Lečić, iz planinarskog udruženja "Tara".

Iako je projekat završen, Gorske službe spašavanja Srbije i Bosne i Hercegovine i Planinarski klub "Tara" nastavljaju saradnju. Već za proljeće dogovoren je zajednički trening u spašavanju iz brzih voda, koji će biti održan na rijeci Drini.

Zajedničke ideje za bolju budućnost!

Projekat "ENHANCE" - završna konferencija u Sarajevu

Tokom prethodne dvije godine, lider projekta Privredna/Gospodarska komora Federacije BiH zajedno sa partnerima Privrednom komorom Srbije – Regionalnom privrednom komorom Zlatiborskog okruga i Centrom "ENERGIS" nastojali su da kroz prezentacije, obuke, radionice i savjetodavne usluge pomognu privrednim subjektima iz metalskog, drvnog i prehrambenog sektora. Rezultati projekta predstavljeni su na završnoj konferenciji u Sarajevu, održanoj 15.06.2023. godine. Konferencija je okupila predstavnike institucija, privrednih subjekata, nevladnih organizacija i obrazovnih institucija.



„U protekle dvije godine kroz "ENHANCE" projekat prošle su brojne kompanije, ali i nezaposleni. Provedene su edukacije, radionice, B2B susreti, posjete kompanijama. U fokusu projekta bili su metalska, drvna i prehrambena industrija za koje smo uvidjeli da su to sektori koji imaju najviše potencijala za rast i razvoj. Projekt je bio fokusiran na unapređenje konkurentnosti kompanija, ali i povećanje zapošljavanja u smislu davanja kompetencija nezaposlenim licima kako bi bila osposobljenija za tržište rada“, navodi Almin Mališević, menadžer projekta iz PKFBiH.

„Jedan od ključnih benefita ovog projekta je uspostavljanje prekogranične saradnje između kompanija ES komerc i Klas iz Sarajeva, koje trenutno rade na razvoju zajedničkog proizvoda“, rekla je Danica Selaković iz Regionalne privredne komore Zlatiborskog okruga.

Rezultatima je zadovoljan i potpredsjednik Privredne/Gospodarske komore Federacije BiH, Mirsad Jašarspahić, koji je istakao da se upravo kroz ovakve projekte pronalaze ideje i pravci u kojima privreda regiona treba da se razvija.

„Iza nas su 24 mjeseca predanog rada koji je rezultirao pozitivnim reakcijama svih učesnika, ali i finansijera, te se nadamo da ćemo projekt nastaviti nadograđivati kroz neke nove javne pozive“, poručio je Mališević na kraju.

Zajedničke ideje za bolju budućnost!

Uvećane mogućnosti za samozapošljavanje

Projekat "SISTEM" organizovao je studijsku posjetu Sloveniji za poduzetnike i članove projektnog tima iz dvije susjedne zemlje. U sklopu posjete, učesnici su imali posebnu priliku biti dio međunarodne konferencije za start-up kompanije "PODIM" u Mariboru, u maju 2023. Na konferenciji su mogli čuti sjajne govornike iz cijelog svijeta i teme iz preduzetništva, tehnologije i novih trendova na tržištu iz oblasti liderstva, marketinga, vještačke inteligencije, dizajna i zdravlja. Učešćem na događaju dobili su priliku da promovišu svoj start-up pred investitorima, povežu se sa drugim poduzetnicima i vrhunskim igračima u start-up ekosistemu, ali i da pronađu prilike za razvoj svojih biznisa koji su u raznim fazama poslovanja.



Salko Kovač, učesnik projekta iz BiH, podijelio je svoje iskustvo u projektu te istakao određene koristi za sebe i svoj poslovni poduhvat „FASTi aplikacija“: „Umjesto da gledamo poslovnu klimu u BiH kao izgovor za nepokretanje biznisa, možda bi je trebalo vidjeti kao motivaciju i priliku jer postoje brojni problemi koji su još uvijek neriješeni, te nam to može predstavljati poslovnu priliku. Osim što smo stekli znanja iz područja pripreme i provođenja EU projekata kroz "SISTEM" projekt i edukaciju koju smo prošli, najveću vrijednost smo pronašli u odlasku na studijsko putovanje gdje smo imali priliku promovirati našu aplikaciju te dobiti informacije koje su nam potrebne za pronalaženje pravog investitora“ - zaključuje kreator aplikacije FASTi.

Kako Općini Novo Sarajevo, tako i drugim partnerima na projektu, Općini Ilijaš i Krovnoj organizaciji mladih Srbije, bilo je veliko zadovoljstvo biti dijelom projekta "SISTEM" i imati priliku doprinijeti povećanju mogućnosti za zapošljavanje, posebno mladih ljudi u obje zemlje.



Projektni tim je istakao da iako svi ovi poslovni poduhvati imaju različite pozadine i okolnosti, postoji zajednička nit koja ih povezuje - put do poslovnog uspjeha nije lak zadatak. Na kraju, mladu generaciju treba motivisati da ostvari vlastitu poduzetničku karijeru. Samim tim, mladi treba da budu sigurniji i napornije rade na unapređenju ekonomije zemlje, zaključuje projektni tim.

Zajedničke ideje za bolju budućnost!

Kako stariti zdravo?

Projekat "HEAL" (Zdravo starenje u prekograničnoj oblasti) fokusiran je na poboljšanje blagostanja naših starijih građana kroz unapređenje pristupa vitalnim zdravstvenim uslugama i preventivnim mjerama u ruralnim područjima.

Ova inicijativa, koja se implementira od strane Crvenog krsta Srbije - Crvenog krsta Vojvodine, Novi Sad, Crvenog krsta Federacije Bosne i Hercegovine, Sarajevo, i Evropskih poslova Autonomne pokrajine Vojvodine, Novi Sad, ima za cilj da poboljša opšte zdravlje starih građana u ruralnim područjima prekograničnog regiona dvije države, Srbije i Bosne i Hercegovine.




Projektni partneri predstavili su projekat na uvodnoj konferenciji. Projekat "HEAL" će se fokusirati na uvođenje inovativnih zdravstvenih usluga i preventivnih mjera posebno dizajniranih za stariju populaciju u prekograničnom području.

Glavne projektne aktivnosti uključivaće nove standardizovane zdravstveno-preventivne usluge. Biće aktivirani lokalni mobilni timovi za pružanje tih usluga. Projektni partneri će tokom realizacije projekta takođe sprovesti kampanju za poboljšanje javnog zdravlja.

Zajedničke ideje za bolju budućnost!

Zajednički turistički proizvodi inspirisani kulturnim naslijeđem

Projekat "Zajedno za kulturni turizam – prekogranična saradnja za unapređenje socio-ekonomskog razvoja i očuvanje tradicionalnih zanata" pokušaće ojačati žene iz dvije države da nastave tradiciju i očuvaju kulturno naslijeđe tako što će kreirati nove turističke proizvode. U naredne dvije godine, partnerske organizacije Nacionalna alijansa za lokalni ekonomski razvoj (NALED) iz Beograda, Bosanske rukotvorine UHD Tuzla i Etno mreža iz Beograda će realizirati ovaj projekat.



Na uvodnoj konferenciji projekta Violeta Jovanović, Izvršna direktorica NALED-a rekla je: "Mi kreiramo harmoniju između naslijeđa i budućnosti. Cilj nam je ojačati šezdeset talentovanih žena iz 18 gradova i opština, te okupiti institucije i organizacije da očuvaju kulturno naslijeđe u regioni kroz zajedničke programe i proizvode".

Aktivnosti na projektu će biti usmjerene na podržavanje prekogranične saradnje radi osnaživanja žena zanatlija i razvoja turističke ponude kroz razvoj novih, zajedničkih turističkih proizvoda koji oslikavaju lokalno kulurološko naslijeđe. Tokom trajanja projekta stručnjaci raznih profila će raditi na osposobljavanju žena zanatlija i umjetnica da prepoznaju turistički i komercijalni potencijal tradicionalnih rukotvorina koje proizvode. Zahvaljujući međusobnoj razmjeni iskustva, biće u prilici da unaprijeđe svoje, ali i da stvaraju prepoznatljive zajedničke turističke proizvode koji oslikavaju lokalno kulturno naslijeđe i tradiciju. Ovi proizvodi biće promovisani u turističkim organizacijama, kao i umjetničkim ateljeima.

Pored osnaživanja žena zanatlija i umjetnica, fokus projekta biće i na povezivanju učesnika u turizmu (turističke agencije, razvojne agencije, profesionalna udruženja...) sa ciljem stvaranja povoljnijeg okruženja za razvoj lokalnog turizma i promovisanja novih, zajedničkih turističkih proizvoda iz prekograničnog regiona. Na taj način, žene zanatlije i umjetnice biće prepoznate od lokalnih aktera što će doprinijeti uravnoteženom socio-ekonomskom razvoju prekograničnog regiona Srbije i Bosne i Hercegovine, kao i sprečavanju depopulacije, usporavanju migracije iz ruralnih u urbane oblasti.

Zajedničke ideje za bolju budućnost!

Zelena staza "Via Dinarica"

Projekat "Via Dinarica – zelena staza preko granica" zajedno sprovode Regionalna razvojna agencija Zlatibor iz Užica, Udruženje "Zemlja Dinarika" iz Sarajeva i općina Vareš.

Projekat će doprinijeti unapređenju i valorizaciji turističkog proizvoda "Via Dinarica" - Zelena staza, sa ciljem boljeg povezivanja ljudi i regiona dvije zemlje. Pored toga, projekat će unaprijediti kapacitete turističkih organizacija, planinarskih udruženja, zaštićenih područja, odnosno svih zainteresovanih strana koje se bave aktivnostima na otvorenom.



Nihad Uk, premijer Vlade Kantona Sarajevo, rekao je da je koncept "Via Dinarica" prepoznat od strane Vlade Kantona Sarajevo kao jedan od prioritetnih projekata razvoja aktivnog turizma. On je takođe istakao da jedan ovakav regionalni projekt predstavlja dodatnu vrijednost saradnje između Bosne i Hercegovine i Srbije jer dijelimo iste sudbine i ovakvi regionalni projekti doprinose razvoju obje zemlje.

Esad Hodžić, posebni savjetnik ministra turizma i omladine Republike Srbije, istakao je da je turizam najosjetljivija privredna grana koja prva osjeća posljedice svake krize, kako zdravstvene, tako i ekonomski i bezbjednosne i da je najefikasniji način za prevazilaženje posljedica upravo regionalno povezivanje.

Zajedničke ideje za bolju budućnost!

Pješački turizam u prekograničnom području

Pješački turizam, kao oblik turizma na otvorenom postaje sve zastupljeniji na ovim prostorima. On ima izuzetan značaj u promovisanju održivog razvoja, povezivanju sa prirodom, ali je i važan faktor koji utiče na ekonomski benefit ruralnih i udaljenih područja. Upravo je ovo podstaklo Turističku organizaciju Užica i partnera na projektu Planinarsko društvo „Konjuh“ iz Tuzle, Ministarstvo prostornog uređenja i zaštite okoline Tuzlanskog kantona i Planinarski savez Srbije da realizuje projekat „Jačanje pješačkog koridora u prekograničnoj oblasti Srbije i Bosne i Hercegovine - E-CrossPass“.



pozitivna klima i nove mogućnosti za lokalne poduzetnike i cjelokupnu lokalnu zajednicu. Radiće se i na usavršavanju i edukaciji raspoloživih ljudskih resursa kroz sprovođenje dvije obuke: obuka iz oblasti trasiranja i obilježavanja pješačkih staza po evropskim standardima obilježavanja, kao i obuka za certifikovanje planinarskih vodiča za vođenje grupa turista na održiv, profesionalan i bezbjedan način.

Početkom juna projekat „E-CrossPass“ zvanično je predstavljen javnosti početnom konferencijom u Tuzli. Konferenciji je prisustvovao veliki broj budućih saradnika na projektu i krajnjih korisnika: predstavnici zaštićenih područja, planinarskih saveza, planinarskih društava, turističkih lokalnih i regionalnih organizacija i agencija iz Srbije i Bosne i Hercegovine.

„Jedan od ključnih ciljeva projekta je promovisanje turizma na otvorenom u prekograničnom području, sa posebnim naglaskom na ruralna i zaštićena područja, lokalnu kulturu i autentičnost. Iskoristimo ovu priliku da zajedno izgradimo prosperitetnu turističku destinaciju koja će donijeti korist svim našim građanima. U naredne dvije godine želim nam, kako naši planinari kažu, „vedro“ i da uspešno, zajedničkim snagama, realizujemo sve aktivnosti na ovom projektu!“ – na kraju konferencije zaključila je Dušanka Selaković, menadžerka projekta.

Zahvaljujući projektu „E-CrossPass“ biće uspostavljene zajedničke staze za pješačenje ukupne dužine od 580 kilometara u prekograničnom području između Tuzlanskog kantona i regiona Zapadne Srbije, čime će, uz uvođenje relevantnih evropskih praksi biti unaprijeđena i objedinjena infrastruktura za pješački turizam. Staze će biti trasirane, obilježene i opremljene u skladu sa standardima Evropske asocijacije Ramblera (ERA) kao dio evropskog pješačkog puta E7. Time će ova prekogranična oblast zauzeti značajno mjesto na evropskoj turističkoj mapi kao popularna destinacija za aktivni turizam ali će se stvoriti i



Zajedničke ideje za bolju budućnost!

Šta ima u neseru za buduće poduzetnike?

Projekat "NESESER – Usluge za novoosnovana start-up preduzeća" ima za cilj uvećati prekogranični potencijal za samozapošljavanje, te unaprijediti poslovno okruženje za mlade i žene poduzetnice. Projekat planira stimulirati ekonomski razvoj i rast u Brčko Distriktu i gradu Lozniči tako što će unaprijediti vještine i mogućnosti ranjivih grupa za vlastite biznise. Aktivnosti će uključivati izgradnju kapaciteta, pred-inkubacionu i inkubacionu fazu u poslovanju.



Partneri na projektu Razvojno-garantni fond Brčko Distrikta BiH, Grad Lozniča i Institut za razvoj i inovacije planiraju uspostaviti funkcionalne biznis centre i biznis inkubatore, povećati kapacitete i svijest o biznis okruženju, podijeliti najbolje prakse te podržati mlade i žene poduzetnice da unaprijede svoje poslovanje.

Na prvom sastanku projektnog tima gradonačelnik Loznice, Marko Vidić je rekao: „Vjerujem da ćemo kroz ovaj zajednički projekt poboljšati kvalitet života svih naših sugrađana. Želim nam svima uspješan rad sa nadom i željom za uspješnu saradnju, prvenstveno u realizaciji ovog projekta, ali i da u budućnosti prevaziđemo okvire ovog projekta i našu saradnju produbimo i proširimo i na druge oblasti“.

Zajedničke ideje za bolju budućnost!

Omladinsko poduzetništvo i prekogranična saradnja

Projekat "Servis sve-u-jednom za mlade poduzetnike i prekogranično partnerstvo" ima za cilj osnaživanje ranjive mlade populacije u prekograničnom području Srbije i Bosne i Hercegovine, pružajući im vještine koje su im potrebne da uspiju na tržištu rada. Projekat sprovode Centar za omladinski rad Novi Sad, Centar za edukaciju mlađih Travnik, Udruženje mlađih iz Sremske Mitrovice i Fondacija tuzlanske zajednice.



Servis sve-u-jednom nudi edukaciju o mekim vještinama, finansijskoj pismenosti i poduzetništvu, uz mentorsku podršku za 20 poslovnih ideja koje su razvili mlađi. Projektni partneri će blisko sarađivati sa predstavnicima lokalnih vlasti i institucija vlade, kako bi unaprijedili ekonomsku snagu regiona i povećali mogućnosti za zapošljavanje mlađih.



Veliki broj mlađih ljudi biće uključen u projekat s ciljem da razviju svoje poslovne ideje. Ovaj rad sa mlađima trebao bi naročito doprinijeti socio-ekonomskom razvoju prekograničnog područja dvije države.



Novi programi za pomoć djeci sa poremećajim u ponašanju

Projekat "Razvoj i implementacija programa kao odgovor na potrebe djece sa poremećajem u ponašanju" sprovodi konzorcijum organizacija koji uključuje Pokrajinski zavod za socijalnu zaštitu, Centar za socijalni rad Bijeljina u Bosni i Hercegovini i Centar za socijalni rad opštine Stara Pazova u Srbiji.



Ovaj projekat sufinansira Evropska unija, a realizuje ga Pokrajinski zavod za socijalnu zaštitu u partnerstvu sa Centrom za socijalni rad Stara Pazova, i Centrom za socijalni rad Bjeljina, Bosna i Hercegovina

Ovaj projekat ima za cilj uspostavljanje sistema za identifikaciju i procjenu djece sa poremećajima ponašanja, razvijanje i sprovođenje individualnih planova obrazovanja i pružanje podrške i obuke roditeljima i stručnjacima koji rade sa ovom djecom. Takođe uključuje razvoj nacionalne baze podataka o djeci sa poremećajima ponašanja radi poboljšanja prikupljanja i analize podataka.

Projektni partneri će raditi zajedno kako bi obezbijedili uključivanje djece sa poremećajima u ponašanju u društvo te obezbijedili podršku koja im je potrebna.

Zajedničke ideje za bolju budućnost!

Podrška neformalnim njegovateljima

Ovaj projekat koji sprovode Centar za podršku i inkluziju "HELP NET" i Centar za socijalne inovacije iz Tuzle, pokazuje snagu saradnje u osnaživanju neformalnih njegovatelja i stručnjaka da pruže izuzetnu njegu.



Projekat pokazuje posvećenost podršci inicijativama koje unapređuju kompetencije u oblasti njage, jačaju socijalnu inkluziju i poboljšavaju blagostanje kako njegovatelja, tako i korisnika njage.

Ključni aspekti ovog poduhvata uključuju:

- Prilagođene obuke i radionice dizajnirane da zadovolje specifične potrebe njegovatelja i stručnjaka, osiguravajući njihov kontinuirani rast i razvoj.
- Pristup vrijednim resursima, informacijama i podršci mreža, stvarajući saradničko okruženje za dijeljenje iskustava i najbolje prakse.
- Esencijalne alate za samonjegu koji će biti obezbijeđeni njegovateljima cijeneći neizmjeru ulogu koju igraju neformalni njegovatelji u zajednici.
- Preograničnu saradnju između Srbije i Bosne i Hercegovine, koja olakšava razmjenu znanja i stvara snažniji sistem podrške za njegovatelje.

Zaista je inspirativno svjedočiti posvećenosti i zalaganju Centra za podršku i inkluziju "HELP NET" i Centra za socijalne inovacije u zagovaranju važnosti kompetencija njegovatelja i socijalne inkluzije.

Vrijeme je da stručnjaci u oblastima njage, zdravstva i socijalnih usluga, prepoznaju i pruže podršku vitalnoj ulozi njegovatelja i pojedinaca koji značajno doprinose našim zajednicama.

Zajedničke ideje za bolju budućnost!

Uzbudljive vijesti iz eko-turizma!

Ovaj projekat kojeg zajedno sprovode Caritas Šabac, Društvo za zaštitu i proučavanje ptica Srbije u saradnji sa Crvenim križom Tuzlanskog kantona fokusiran je na prekogranično posmatranje ptica, ima za cilj da predstavi bogatstvo biodiverziteta i prirodnu ljepotu ovog regiona, istovremeno podstičući održive prakse u turizmu uključivanjem ranjivih kategorija u implementaciju.

Kombinujući napore za očuvanje i odgovorni turizam, ova inicijativa ne samo da pruža posjetiocima izvanrednu priliku da posmatraju raznovrsne vrste ptica, već i doprinosi očuvanju njihovih staništa.



Neki od glavnih momenata ovog poduhvata uključuju:

- Vođene ture posmatranja ptica koje vode lokalni stručnjaci, pružajući iskustvo za zaljubljenike na svim nivoima.
- Istraživanje zadivljujućih pejzaža, od bujnih šuma do mirnih močvara, pružajući uvid u prirodne čari regiona.
- Uključivanje lokalnih zajedница, promovisanje kulturne razmjene i podršku razvoju ekoloških inicijativa.
- Saradnju između Srbije i BiH, podsticanje prekogranične saradnje i jačanje veza u cilju održivog turizma.

Inicijative poput ove stavljuju ekološku odgovornost i angažman zajednice na prvo mjesto, te nastoje postići harmoničan balans između razvoja turizma i uključivanja ranjivih grupa u zajednicu.

Zajedničke ideje za bolju budućnost!

Rimsko naslijeđe prekograničnih prostora

Projekat "Doživimo rimsko naslijeđe na Drini i Savi – put rimskih imperatora" zajednički je poduhvat Zavoda za zaštitu spomenika kulture Sremska Mitrovica, JU Arheološkog muzeja "Rimski Municipium" u Skelanima, Turističke organizacije Srebrenica i Udruženja građana Centar za održivi razvoj i demokratiju "CORD".

Glavni cilj projekta je podizanje kvaliteta turističkog proizvoda i usluga u pograničnom području kroz jačanje turističke infrastrukture u Skelanima i Sremskoj Mitrovici. Aktiviranjem značajnog kulturnog naslijeđa u svrhu turizma pokušava se uticati na razvoj i povezivanje lokalnih zajednica.



"Zavod za zaštitu spomenika kulture Sremska Mitrovica je nakon natkrivanja arheološkog lokaliteta Carska palata Sirmijuma preuzeo niz mjera u cilju prezentacije i turističke promocije rimskog naslijeđa. Konzervacija mozaika i prezentacija, koje su planirane projektnim aktivnostima, doprinijeće boljem očuvanju arheološkog naslijeđa. Prekogranična saradnja unaprijediće turističku promociju oba lokaliteta", kaže Dušanka Stanković, projektni menadžer.

Dodatno, izradom strateškog razvojnog okvira i razvojem novih turističkih itinerera uz jačanje kapaciteta i kompetentnosti lokalnih turističkih aktera i malih i srednjih preduzeća doprinosiće se daljem razvoju kulturnog turizma i unapređenju prekogranične saradnje.

Zajedničke ideje za bolju budućnost!

Turizam na otvorenom

Novi projekat prekogranične saradnje "Open Air Everywhere!", koji se bavi turizmom na otvorenom će biti realizovan u partnerstvu između Razvojne agencije "NERDA", Grada Tuzla, Turističke zajednice Grada Tuzla i Turističke organizacije Zapadne Srbije.

Projekat ima za cilj da iskoristi potencijal otvorenog turizma, eko-turizma i održivog turizma. Kroz iskorišćavanje prirodnih resursa i usklađivanje sa promjenljivim preferencijama putovanja, projekat ima namjeru da stvori okvir za nezaboravna iskustva koja nas oslobađaju svakodnevnih rutina.



Da bi se to postiglo, projekat će se fokusirati na razvoj turističke infrastrukture, jačanje kapaciteta pružalaca usluga, uspostavljanje mreže saradnje i promovisanje novih usluga. Cilj je unaprijediti sposobnost sektora turizma u Tuzlanskom kantonu i Zlatiborskom okrugu da privuče domaće turiste.

Kroz mehanizam prekogranične saradnje, Srbija i Bosna i Hercegovina su primjeri zemalja koje preduzimaju korake za podršku oporavku sektora turizma. Njihov plan se fokusira na razvoj domaćih destinacija, pružanje direktnih finansijskih sredstava turističkim preduzećima i ponudu odmorišnih vaučera kako bi se povećao broj domaćih posjetilaca.

Važni zainteresovani akteri, uključujući lokalne turističke organizacije, regionalne razvojne agencije, obrazovne institucije i nacionalna turistička tijela, aktivno su uključeni i posvećeni realizaciji projekta, što unaprijed garantuje njegov uspjeh i održivost.

Tokom trajanja projekta od 18 mjeseci, prioritet će biti davanje značaja pitanjima kao što su ekološka održivost, jednake mogućnosti, rodna ravnopravnost i podrška mladima. Cilj je stvaranje pristupačnih i inkluzivnih turističkih iskustava za sve.

Zajedničke ideje za bolju budućnost!

Stare željeznice – nova saradnja!

Inspirativan projekat "Stare željeznice u službi nove saradnje i iskustava" ima za cilj da unaprijedi dva željeznička muzeja u Banovićima i Požegi, te da uključi male biznise i prateće objekte vezane za muzeje i industrijske lokalitete u jedinstvenu ponudu.



Obnavljanjem ovih istorijskih željezničkih trasa i muzeja, inicijativa teži ne samo očuvanju naše kulturne baštine, već i promociji turizma, unapređenju infrastrukture i jačanju veza između susjednih regiona.

Dodatak suvenirskih prodavnica, profesionalnih vodiča, pružalaca smještaja i kafića pružić će posjetiocima obogaćeno iskustvo, uranjujući ih u uzbudljivi svijet željezničke istorije i industrijske baštine.

Projektni partneri, Programi poslovnih inovacija iz Zemuna, Udruženje za poduzetništvo i posao "LiNK" iz Mostara, Općina Banovići i Forum civilne akcije FORCA, Požega nastojaće ovom inicijativom zajednički podstići ekonomski rast i razvoj zajednice, istovremeno obilježavajući značaj naše dijeljene prošlosti.

Zajedničke ideje za bolju budućnost!

Bilten 10, Avgust 2023.

O nama

IPA Program prekogranične saradnje Srbija-Bosna i Hercegovina 2014-2020 realizuje se u okviru Instrumenta prepristupne pomoći (IPA II).



Obje države zajedničkim snagama sprovode Program. Ministarstvo za evropske integracije Republike Srbije i Direkcija za evropske integracije Bosne i Hercegovine zaduženi su za koordinaciju Programa i nazivamo ih Operativne strukture. Ministarstvo finansija Republike Srbije, Odeljenje za ugovaranje i finansiranje Programa iz sredstava Evropske unije (CFCU) odgovorno je za sve ugovore kao Ugovorno tijelo (CA). Program se sprovodi uz pomoć Zajedničkog tehničkog sekretarijata (JTS).

Ukupni budžet Programa za period 2014-2020 iznosi 14.000.000 EUR, dok je očekivano sufinansiranje korisnika 2.223.529,41 EUR.

Do sada je u okviru Programa, od njegovog osnivanja 2007. godine ugovoren 74 projekata, ukupne vrijednosti nešto više od 23 miliona eura.

Pratite naš program i kreirajte

Zajedničke ideje za bolju budućnost!

www.srb-bih.org

www.euzatebe.rs/en/projects/cross-border-cooperation-programme-serbia-and-bosnia-and-herzegovina-2014-2020

www.facebook.com/ipa.cbc.srbbih

Ovaj program finansira Evropska unija

Ovaj bilten je proizведен uz finansijsku podršku Evropske unije

Sadržaj biltena je isključiva odgovornost operativnih struktura uključenih u implementaciju IPA Programa prekogranične saradnje Srbija-Bosna i Hercegovina 2014-2020, te ni na koji način ne odražava stavove Evropske unije.